



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXLVII. ad annum MDXXVII.

Parisiis, 1644

XXI. Quod prohibentes tracturas decimarum &c. sint excommunicati.

urn:nbn:de:hbz:466:1-15644

uotionem mouent, tam in præfatis diebus quam in aliis non intendimus prohibere.

ANNO
CHRISTI
1475.

XX.

Præterea, quoniam suadente pacis inimico & bellorum satore, qui vineam Domini exterminare nititur, lites & contentiones inter nonnullos laicos ac etiam clericos obrepere solent, per quas ad inuicem se defidiant & bella aggrediuntur, ex illisque temere hinc inde certantium homicidia sequuntur; etsi hæc ipsa duella de iure, aliasque regni maiestatis prohibitione interdicta sint: Nos tamen animaduertentes, quod fratrum in fratres exarsio in diuinæ maiestatis offensam & euidentis vergitur periculum animarum; sanctorum patrum vestigiis inhærentes, sacro approbante Concilio statuimus, vt qui in pugna, certamine, torneamento huiusmodi decesserint, aut a pugna vulnerati euaserint, adeo quod postea ex eo ipso ab hac luce migrare contigerit, etiamsi ante obitum receperint poenitentiae sacramentum, ecclesiastica ipso facto careant sepultura, & diuina officia pro ipsis non dicantur, nec oblationes admittantur. Clerici vero eos sepelientes per sex menses ab officio & beneficio sint suspensi, fructibus vero medio tempore prouenientibus a beneficiis huiusmodi fabricæ ecclesiarum suarum & Concilio sequenti æqualiter applicandis.

XXI.

Quoniam non sumus filii ancillæ, sed liberæ, quia mater nostra Ierusalem libera est, & ab omni seruitute penitus exempta, libertatem nostram tue-

ANNO
CHRISTI
1473.

ri tenemur. In quibusdam tamen terrarum parti-
bus adeo quorundam magnatum, potentum,
procerum & dominorum temporalium vtriusque
sexus, communitatum quoque, iustitiariorum &
aliorum laicorum cupiditas excreuit, vt nedum
quod redditus, decimæ, iura prælatis & clero de-
bita non recuperentur, recipiantur, arrendentur,
exigantur & leuentur, diuersimode prohibent;
sed etiam bladi, annonæ, vini, olei, leguminum,
armentorum, pecorum, pecudum & aliorum ter-
ræ fructuum, tam decimarum quam primitiarum
tracturas, exitus, redditus, nec non transitus a loco
in locum vetant & interdicut in ecclesiasticæ li-
bertatis derogationem, iacturam & detrimentum.
Nos attendentes, quod Domini est terra & ple-
nitude eius, & ipse in signum & recognitionem
dominii de terræ frugibus decimas & primitias sibi
pro suis ministris qui habitant in domo sua, inte-
gras reseruauit, & quod non licet laicos contra re-
gis regum sanctionem decimas & primitias Chri-
sto dedicatas sibi ipsis vendicare, vel quomodoli-
bet detinere: statuimus sacro approbante Conci-
lio, ne de cetero magistri ordinum, duces, mar-
chiones, comites, magnates, potentes, commu-
nitates, vniuersitates, iustitiiarii, castellani, officia-
les, rectores, laici vtriusque sexus, cuiuscumque
status, gradus, ordinis, præminentia vel condi-
tionis existant, & quacumque præfulgeant digni-
tate, seu auctoritate fungantur, tractus, ductus,
exitus, redditus, ingressus & regressus fructuum
quorumcumque ad prædictas decimas & primitias

spectantium de iure seu consuetudine, per se vel per alios, publice vel occulte, directe vel indirecte, aut quouis quæsito colore impediunt, seu impediri faciunt, quo minus nos prælati nostræ provincie, ecclesie, decani & capitula, & alie ecclesiasticæ personæ, & fructuum prædictorum arrendatores, possint & valeant de ipsis libere vti & gaudere. Contrarium vero facientes, si magistri, duces, marchiones & comites fuerint, & infra quindecim dies, postquam eandem prohibitionem fecerint, aut fieri iusserint, non reuocauerint, & libere fructus, decimas atque primitias, & alios ecclesiasticos redditus huiusmodi ab eorum dominiis & districtibus extrahi non permiserint, excommunicationis sententiam ipso facto incurrant: eademque sententia ceteri inferiores prædicti in præmissis culpabiles etiam innodentur, si infra sex dies ab eadem publicatione, vt præmittitur, numerandos, reuocationem & liberam permissionem præfatis non fecerint realiter & cum effectu, terræque ipsorum dominorum & magnatum, & loca vbi huiusmodi prohibitiones fieri contigerit, tamdiu ecclesiastico subiaceant interdicto, donec a præmissis desistentes, & arbitrio prælati satisfacientes, beneficium absolutionis & interdicti relaxationem obtinere mereantur.

XXII.

Raptores, quos diuinus timor a malo non reuocat, temporali saltem pœna merito sunt puniendi. Ideoque sacro approbante Concilio statuimus, vt tales scelerati quamdiu ab hac luce migrauerint,
eccle-